

SAKSPAPIR

Saksnr	Utval	Type	Dato
047/21	Formannskapet	PS	02.06.2021
	Heradsstyret	PS	

Saksbehandlar	ArkivsakID
Bente Skjerpung	21/1287

**Melding om nye aksjeeigarar. Søknad om om utvida skjenkeareal og godkjenning av ny styrrar for skjenke- og serveringsløyve
Mjøsvågen Landhandleri AS**

Vedlegg:

Melding om endring styrrar og stedfortredar
skisse serveringsområde

Rådmannen sitt framlegg til vedtak:

«Det vert gjort slike endringar i skjenke- og serveringsløyvet for Mjøsvågen Landhandleri AS, org.nr. 920997252: Skjenkearealet vert utvida til 220 m2, slik det går fram av skisse over uteområdet. Trond Lillejord, f. 16.06.1963, vert godkjend som dagleg leiar og styrrar for skjenkeløyvet under føresetnad av bestått kunnskapsprøve.

Formannskapet - 047/21

FS - behandling:

AVRØYSTING

Rådmannen sitt framlegg - tilrådd med 6 røyster(2SP,2AP,1H,1FRP) mot 2 røyster(1KRF,1SV)

FS - vedtak:

«Det vert gjort slike endringar i skjenke- og serveringsløyvet for Mjøsvågen Landhandleri AS, org.nr. 920997252: Skjenkearealet vert utvida til 220 m2, slik det går fram av skisse over uteområdet. Trond Lillejord, f. 16.06.1963, vert godkjend som dagleg leiar og styrrar for skjenkeløyvet under føresetnad av bestått kunnskapsprøve."

Saksopplysningar:

Saksopplysningar:

Bakgrunn

Mjøsvågen Landhandleri AS, organisasjonsnr. 920997252 søker 10.05.21 om godkjenning av utvida skjenkeareal, og godkjenning av ny styrrar for skjenke- og serveringsløyvet. Det vert og meldt om endringar i eigarsamansetjinga i selskapet frå 2021, der Håland AS og Fjellskål Holding AS er dei mellom dei største nye eigarane med h.v. 20 og 10 % av aksjane. Randi Nordås har 24% og Trond Lillejord Holding AS 5%.

Verksemda har godt besøk og treng utviding av skjenkearealet for å unngå å måtte avvise gjestar på travle dagar. Utvidinga går fram av vedlagt skisse, og arealet aukar frå 70 til 220 m², medan talet på gjestar vert auka frå 60 – 130 personar.

Trond Lillejord har overteke drifta og skal stå som styrar for skjenkeløyvet og dagleg leiar for serveringsstaden. For stedfortredar er det ingen endring.

Trond Lillejord har bestått etablerarprøven, og kunnskapsprøve i alkoholova for skjenkeløyve vert gjennomført med det første.

Søknaden er send til Politiet og Sosialtenesta til uttale.

Vurdering

Rådmannen vurderer at endringane i eigarsamansetjinga ikkje medfører at det søkjast om nytt skjenke- og serveringsløyve.

Styrar/dagleg leiar kan godkjennast med atterhald om bestått kunnskapsprøve i alkoholova. Rådmannen har mynde til å godkjenna styrar/dagleg leiar.

Utvidinga av skjenkearealet som omsøkt vil gje betre utnytting av arealet, og ein unngår at gjestar som ynskjer alkohol til maten ikkje får plass, fordi skjenkearealet utgjer ein avgrensa del av serveringsområdet. Endringa vil ikkje medføre særleg endring i h.t. dagens drift, men vil ei betre utnytting av serveringsarealet.

Andre vilkår som er sett i skjenkeløyvet gjeld fortsatt.

Folkehelse	-	ingen endring i h.t. dagens situasjon
Miljø	-	ingen endring i h.t. dagens situasjon
Økonomi	-	ingen endring i h.t. dagens situasjon

Konklusjon

Rådmannen rår til at søknaden vert imøtekomen. Saka vert lagt fram for formannskapet til handsaming og innstilling til heradsstyret.